



Publicaziuns dalla vischnaunca, jamna 36

Cussegl da vischnaunca

Il cussegl da vischnaunca seraduna **venderdis, ils 13 da settember 2019**, allas 20.15 en casa communal.

Tractandas:

1. Protocol 21-2017/2020
2. Project da canalisaziun Raveras: Damonda da credit (messadi nr. 37-2017/2020)
3. Ura da damondas (conform ad art. 44 dil regulativ da fatschentas)
Il president dil cussegl da vischnaunca

Via d'ual Runfoppa Sura

Impediments da traffic

Muort lavurs da reparaturas e manteniment vid la via d'ual da Pégn Rodund entochen Runfoppa Sura ei da quintar cun temps da spetga. Nus supplichein da risguardar las signalisaziuns el liug. Oreifer il temps da lavur ei la via libra e carrabla senza impediments. Nus supplichein da prender enconuschientscha da quests avis. Bien engraziament per la capientscha.

Uffeci forestal Disentis/Mustér

Disentis/Mustér, ils 13 d'uost 2019

Annunzias per la fiera Sogn Martin

La fiera da Sogn Martin ha liug uonn **gliendisdis, ils 11 da november 2019**, naven dallas 8.00 entochen allas 17.00. Annunzias per stans da fiera ein da far a scret ni per email cul formular d'annunzia sut www.disentis.ch > Uffeci da baghegiar > Downloads entochen sil pli tard ils 27 da settember 2019.

Annunzias suenter il suranumnau termin san buca vegnir risguardadas. Nus supplichein Vus da prender enconuschientscha ed engraziein per Vossa capientscha.

Administraziun communal Disentis/Mustér

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn! Vos *Pumpiers Sursassiala*



L'jamna dallas bibliotecas grischunas 2019 stat sut il motto «aviert e colligiau»

Duront l'jamna dallas bibliotecas il settember porschan las bunamein 50 bibliotecas grischunas a lur visitadras e visitaders enzatgei tut special: Quest onn arvan ellas lur portas, envidan ad occurrenzas captivontas, poeticas ni divertentas che stattan sut il motto «aviert e colligiau » ed informeschan davart novas purschidas e novas medias.

Tenor il Duden munta il plaid «aviert» ton sco «buca serrau», «buca limitau da resalvas specialas (...)», «buca bloccau d'in impediment» e «libramein accessibel». Colligiar sa vegnir descret culs plaids «unir» e «ligiar». Aschia reflectescha il motto dall'jamna dallas bibliotecas ils svilups actuals en las bibliotecas, denter auter era il svilup digital. Per quei intent envida la Biblioteca populara Disentis/Mustér e contuorn duront l'jamna **dils 9 tochen ils 14 da settember 2019** d'experimentar e d'empruar ora differents models da robotors.

Seigies era Vos «aviarts» per novas caussas sco era «colligiai» – visitei nossa biblioteca:

gliendisdis, ils 9-9-2019, dallas 16.00–18.00

venderdis, ils 13-9-2019, dallas 16.00–19.00

sonda, ils 14-9-2019, dallas 10.00–12.00

Nus selegrein sin Vossa viseta.

Il team dalla Biblioteca populara

Disentis/Mustér e contuorn

Invitaziun Seniors-Ca

Gievgia, ils 12 da settember 2019 excursiun a Trun

Viseta en caplutta s. Onna e spassegiada (diesch minutas/era transport pusseivel) tochen l'Ogna cun sorpresa musicala e silsunter petta e caffè. Guid: Giusep Decurtins. Sentupada allas 13.30 alla staziun e partenza cun il tren allas 13.44 – retuorn allas 17.11 a Mustér.

Annunzia: Entochen mardis, ils 10 da settember 2019 allas 17.00 tier Puntreis (tel. 081 929 56 56)

P.S. Il program tochen alla fin digl onn ei deponius en Puntreis.

Meisa da miezdi organisada da Seniors-Ca e Puntreis

Entschatta: allas 12.00 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen mardis sera allas 17.00 alla Puntreis (tel. 081 929 56 56).

La meisa da miezdi ei aviarta per mintgin/a.

Post d'informaziun Seniors-Ca

Uniun samaritana Disentis/Mustér

Caras samaritanas, cars samaritans, nies proxim exercezi ensemen cun las uniuns samaritanas d'Ursera e Tujetsch ha liug **gliendisdis, ils 9 da settember 2019**, sil Pass digl Alpsu.

Rimnada: allas 18.30 avon halla Cons

Equipament: resti cauld, buns calzars ed ina cazzola da sac.

Igl exercezi ha liug da tutt'aura. Sunter igl exercezi sesin nus aunc tuts ensemen tier in sitg.

Sperond sin ina stedia participaziun salida cordialmein

Uniun samaritana Mustér, Martina



«Café rumantsch» a Mustér

Suenter la pausa da stad cuntinuescha il «Café rumantsch» a Mustér, **venderdis, ils 13 da settember 2019**, allas 20.00 ella cafeteria dil Center da sport e cultura. Nus selegrein sin stedia participaziun. Einheimische, Zweitheimische, Zugezogene und Gäste treffen sich regelmässig zum rätoromanischen Austausch. Cordial beinvegni
Lia Rumantscha e Gion Hosang, menader

Corporaziun d'aua

Invitaziun alla radunonza generala

«Las Fontaunas» Mumpé Medel, **sonda, ils 14 da settember 2019**. Allas 20.15 el local «la Scursalada»

Tractandas:

1. Orientaziun e decisiun per la nova varianta d'in niev begl public.
2. Varia

Bugen sperein nus che vus anflies temps per quella unica varianta. *La suprastonza*

Apparat d'udida

Gliendisdis, ils 16 da settember 2019 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Uniun da dunnas Disentis/Mustér

Workshop «Portafotis»

Cu: **mardis, igl 1. d'october 2019** allas 19.00

Liug: local uniun da dunnas

Infos: ti sas decider denter 27 differentas colurs. Medemamein astgas ti era giavischar in auter maletg ni text per tiu portafotis (igl exemepel anflas ti sin la homepage uddm.ch). Sche jeu audel nuot da tei entochen sil pli tard ils 20 da settember, preparel jeu per tei il medem maletg e text sco sigl exempel.

Annunzias entochen ils 19-9-2019 tier Sonia Deflorin, 079 627 04 62, 081 947 53 34 ni soniadefflorin@bluewin.ch

Yoga ni gymnastica dalla damaun a Mustér

Ina scolasta ed in menader da Yoga sco era ina menadra da gymnastica sebrattan per porscher yoga ni gymnastica ad in e scadin che ha tschaffen ed interess. **Naven diils 17 da settember 2019 entochen la fin avrel 2020** purschin nus in'ura da beinstar per tgierp ed olma. Nus s'entupei mintga mardis dallas 8.30–9.30 en halla Cons a Mustér. Igl ei pusseivel da visitar tuttas ni mo singulas lecziuns. Tier mintga participaziun ei da contribuir ina pintga indemnisaziun per cuvierer ils cuosts.

Sin bien seveser e cordial beinvegni a tuts interessai.

Las organisaturas, il menader e las menadras



Yoga oder Morgengymnastik in Disentis

Eine Yogalehrerin und ein Yogaleiter sowie eine Gymnastikleiterin erteilen abwechselungsweise eine Stunde Yoga oder Gymnastik. **Vom 17. September 2019 bis Ende April 2020** bieten wir für Frauen und Männer, Junge und Alte, Einheimische und Auswärtige eine Wohlfühlstunde an. Wir treffen uns jeden Dienstag von 8.30–9.30 Uhr in der Turnhalle Cons in Disentis. Es ist möglich, alle oder nur einzelne Lektionen zu besuchen. Bei jeder Teilnahme ist ein kleiner Beitrag zu entrichten, um die anfallenden Kosten zu decken. Wir heissen alle Interessierten herzlich willkommen.

Die Organisatorinnen, der Leiter und die Leiterinnen

Fiera da resti d'affons cun stiva da caffè

Buffet da pettas e per ils affons in cantun da termagliar!

Nus prendein encunter bien, schuber ed entir resti da stad e d'unviern tochen grondezia 176, vestgadira da gravidonza, termagls, calzers, sezs d'autos e da meisa, crotschas, velos, capellinas, skis, scarsolas eav. Dunnas che drovan ina nova numera ni han damondas san prender si contact cun Helen Lutz, tel. 079 565 06 35 **Dar giu resti: Venderdis, ils 20 da settember 2019** dallas 16.30 entochen allas 17.00 en halla Cons, Mustér **Adatg:** per plascher mintga grondezia da resti separau en ina tastga!

Vendita: Venderdis, ils 20 da settember 2019 dallas 19.00 entochen allas 21.00 e

sonda, ils 21 da settember 2019 dallas 9.00 entochen allas 10.30 en halla Cons, Mustér.

Retuorn dil resti buca vendiu e pagament (minus 20%): Sonda, ils 21 da settember 2019 allas 12.30 entochen allas 12.45. Per uorden che maunca savein nus surprender negina responsablada. Vegni e mirei, e forsa veis gie aunc gust da star in mument da cumpignia en nossa stiva da caffè!

Kinderkleiderbörse mit Kaffeestube

Kuchenbuffet und für die Kinder gibt es eine Spielecke!

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme, Ski, Schlitten usw. Frauen, die eine Nummer brauchen oder Fragen haben, können mit Helen Lutz, Telefon 079 565 06 35, Kontakt aufnehmen.

Annahme: Freitag, 20. September 2019 von 16.30 Uhr bis 17 Uhr in der Turnhalle Cons, Disentis

Achtung: Bitte jede Kleidergrösse separat in eine Tasche!

Verkauf: Freitag, 20. September 2019, von 19 Uhr bis 21 Uhr und

Samstag, 21. September 2019, von 9 Uhr bis 10.30 Uhr in der Turnhalle Cons, Disentis.

Auszahlung (abzüglich 20%) und Rückgabe: Samstag, 21. September 2019, von 12.30 Uhr bis 12.45 Uhr. Für fehlende Sachen können wir keine Haftung übernehmen.

Kommt und schaut und vielleicht bleibt danach noch ein wenig Zeit für unsere Kaffeestube!

Nus selegrein sin vossa viseta

*Uniun da dunnas Disentis/Mustér,
gruppa d'organisaziun fiera da resti*